

Օրախի խարչ, հարկը՝ 26 շերվոնեց.

Չափաւ խաճայի կամ փոստային տուրքը՝ 130 ուրբլի խանական փողով-
Քայրավրդ կամ քայրամի օրվա առիթով տոնական նվիրաբերություն՝
դրամով 32 ուրբլի.

Միրգայանի կամ խանի առաջին միրգայի-քարտուղարի օգտին տուրք՝
32 ո. և 3 կօտ՝ շետվերտ ցորեն:

Բաշփուլի կամ գլխահարկ՝ 200 ո.

Շէրբէթփուլի կամ խանի համար շէրբէթ պատրաստողների օգտին՝ 24 ո.

Շօռափուլի կամ բորակ¹⁵ շինելու թույլտվության համար՝ 60 ո.

Գորգերի և ջվալնէրի փոխարեն՝ 30 ո.

Հասարակ մահուդի կտորից շինած շուխայի փոխարեն՝ 10 ո.

Աղ՝ 18 քաթման¹⁶ հարուստ հարսանիքից՝ 10 ո.

Չքավոր հարսանիքից՝ 5 ո.

Փայտ՝ 80 բեռ.

Սրա վրա ավելացրած դուլուդի և թաղվիլանի, այսինքն՝ խանի ճօֆաւնէրի-
ժառանգների օգտին վերցվող տուրք, հարկի ամեն շերվոնեցի դիմաց դուլուդին՝
50 կոպ. և թաղվիլանին՝ 50 կոպ.

Նույնչափ և օրախխարչու ամեն մեկ շերվոնեցից.

Նույն օրինակով միայն դուլուդի հաշվի և Միրգայանի ամեն թումանից և
ցորենի ամեն մի կօտից՝ 50 կոպ.

Փայտի ամեն բեռից՝ 20 կոպ.

Շէրբէթփուլի ամեն թումանից և ամեն կօտից՝ 50 կոպ.

Բաշփուլի ամեն թումանից՝ 50 կոպ.

Շօռափուլի ամեն թումանից՝ 50 կոպ.

Ղուզփուլի՝ աղի փողի 10 քաթմանից՝ 1 ո. 26 կոպ.

Նաև մալուզէվաթից՝ բերքի մեկ հինգերորդ մասից՝ 80 կօտ՝ շետվերտ.

Քալանթարլըղ՝ 120 ո. և 2 կօտ ցորեն:

Ընդհանուր գումարը բռնում էր 2711 ո. խանական, կամ 430 ո. ուսական
արծաթ դրամ:

Այսպիսի և նման խճճված տուրքերի հավաքման գործը ավելի ևս դժվա-
րանում էր այն պատճառով, որ խանն իր այս եկամուտներից այս կամ այն
տեսակը ամբողջապես կամ մի մասով նվիրում էր ժամանակավորապես կամ
ցմահ, երբեմն էլ ժառանգաբար, իր շնորհքին արժանացած մեկին. այսպես՝
Տաթևի մահալի ֆալանթարլըղը տրված էր ժառանգաբար կապիտան Հաջի-
Աղալար-բեկին:

Ոչ պակաս բարդ էին հօգուտ կալվածատիրոջ հավաքվող տուրքերը: Այդ
տուրքերի մի երկար ցանկին արդեն ծանոթացանք Տեղ գյուղի բնակիչների
գանգատից, որ ներկայացրել էին քննիչին 1846 թվին իրենց բողոքը հիմնա-
վորելու համար: Ահա մի այլ ցանկ այն եկամուտների, որոնք ֆօխվան հա-
վաքում էր կալվածատիրոջ համար: Ըստ նույն Մոզիլեակու և Երմոլով 2-րդի
կազմած նկարագրության, Կոռնրճեր գյուղի կողմից պիտի վճարվեր¹⁷.

Կասում-բեկի ժառանգներին «գրամով 1760 ուրբլի».

Քայրավրդ կամ քայրամ տոնի առիթով նվիրաբերություն՝ 75 ո.

Ջվալնէրի փող՝ 150 ո.

¹⁵ Селитра.

¹⁶ Կշ ոի շափ (թրք.) = 2½ = 10 կգ:

¹⁷ Անդ, Имяне капитана Рустам-Бека.